



# Synfocity = 472

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

30<sup>th</sup> January, 2014

## □ **Counselling Centre hawng dawn**

Synod Executive Committee (SEC)-in a phalsak angin Family Guidance & Counselling Centre chuan February 3, 2014 (Thawhtanni) chawhnu dar 2:00 hian Vaivakawnah Counselling Centre thar an hawng dawn a, Centre hawnna inkhawm hi Rev. Lalzuithanga, Senior Executive Secretary-in a kaihruai ang a, Rev. R. Lalhmingthanga, Director, Family Guidance & Counselling Centre hnen atangin Report ngaihthlak a ni ang a, Synod Moderator Rev. K. Lalhmuchhuakan Centre hlanna hun hmangin thuchah a sawi ang. Vaivakawn Bial Zaipawlten hla an rem ang a, Rev. Lalsangbera Pastor i/c, Vaivakawn Bial-in malsawmna sawiin hun a khar ang. Counselling Centre thar hi Vaivakawn Kohhran Hall, First floor-ah a awm dawn a, Counsellor atan Rev. C. Chawngliana leh Chowkidar 1 an awm ang.

## □ **Zin**

- ◆ January 27 - 29 khan North East India Committee On Relief & Development (NEICORD) Board Meeting, Guwahati-ah Dr. Robert S. Halliday, Superintendent, Synod Office a tel.
- ◆ January 28 - 30 hian Income Tax Office, Silchar dawr turin Tv. Zaihmingthanga Fanai, Accountant a kal.
- ◆ January 29 - 31 hian Presbyterian English School permission dilna enfiah turin Khuangleng, Vanzau leh Lianpui-ah Upa D.P. Biakkhuma, Supervisor of Schools a kal.
- ◆ January 30 - 1 February hian Calvin Theological Seminary, Grand Rapids, United States-ah Worship Symposium neih a ni a, hetah hian Rev. Lalchhuanmawia, Synod Mission Board Secretary a tel.
- ◆ February 1 - 10 chung hian National Council of Churches in India (NCCI) Centenary leh Senate of Serampore College Meeting, Kolkata-a tel turin Rev. Lalramliana Pachuau, Executive Secretary a kal ang.
- ◆ February 5 - 8 chung hian Synod House, Imphal, Manipur a mi enfiah turin Pu Thangliankhuma, Asst. Engineer a kal ang.

## □ **Thisen pe**

January 25, 2014 (Inrinni) khan Aizawl Theological College-a zirlai pawl, Students' Christian Movement (SCM) chuan Republic Day pualin thisen pek runpui, Blood Donation Camp an nei a, thisen Unite 41 an pe. Thisen pe hi mipa 40 leh hmeichhia 1 an ni. Heng thisen an pekte hi Synod Hospital, Durtlanga mamawhtute hman atan an hlan a, Synod Hospital-a thawktuten College hmunah thisen lak hna hi an thawh chilh a ni. SCM hian Republic Day apiangin hetiangha thisen pek runpui hi an buatsaih thin.

## □ **Kristian Thalai Pawl**

- ◆ Nimin (Jan. 29) khan 55<sup>th</sup>. KTP Gen. Conference thlengtu tur Khawzawl Organising Committee te hmalakna enpui turin Central KTP Leader Rev. Lalrinmawia, Pu Samuel Laldingliana (com. member), Dr. Lalliansanga (com. member), Tv. Peter Lalanpui (Synfo) leh Active Sound lam aiawh 2 Khawzawl panin an chhuak. Nizan khan Dinthar Pastor Quarters-ah Organising Committee te nen an inkawm a, vawiin hian a hmun hma an thlir ho ang. Video coverage & Sound System fit dan tur ruahmanna te siamin thil tul dangte an thlir ho bawk ang.
- ◆ National Council of Churches in India (NCCI) buatsaihin January 28 –February 1, 2014 chung hian Durgapur (Kolkata bul)-ah National Ecumenical Youth Assembly (NEYA 2014) neih mek a ni a, CKTP aiawhin T.Upa Zohmangaiha (Fin. Secy), T.Upa Lalhruaizela, T.Upa Lalremsiama, Pu Saizamliana Sailo, Pu Lalmuanpui Hrahseleh Pu Lalnghinglova Hauzel te an kal a, Presbyterian Youth Fellowship (PYF) atangin Pu R. Lalruatkima a kal bawk.
- ◆ 55<sup>th</sup>. KTP General Conference inbuatsaihna a kal mek a, Praise Group, Musicians leh Jubilee Concert-a zai turte leh House Band ten Kohhran hrang hrangah hla ngawrh takin an zir mek. February 4 (Thawhlejni) zan hian heng items nei tur hrang hrangte, Speakers turte leh Mizoram Synod Choir te inhlanna inkhawm neih tur a ni a, Mission Veng Kohhranin chawhlui buatsaihsakin an thleng ang. Inhlanna inkhawm neih zawhah hla zir zui nghal a ni ang. February 20 zana Mission Veng Kohhran Hall-ah vek Final Rehearsal neih a ni bawk ang.
- ◆ Jubilee Zaipawl Pui inbuatsaih nan February 21 (Zirtawp) zan hian Aizawl khawpui chung Bial Zaipawl infin ten Chanmari Kohhran Biak Inah a huhovin hla an zir ang. November 1, 2013 khan Mission Vengthlang Kohhranah a vawi khatna atan hla hi an zir ho tawh a. Tun tumah hian an hla pakhat zawk "Halleluiahs Chorus" vaitu tur Upa Lalthansiamia Tochwawng chu a hnathawhna Lunglei atangin a lo phei dawn a, Zaipawl Pui hla sak tur pakhat "Ram Engmawi" chu Synod Choir Conductor Pu C. Lalchamliana a vai dawn a ni. Halleluiahs Chorus hi music track nena rem tur a ni a, Ram Engmawi hi live music-a rem tur a ni thung.

## □ **Music**

- ◆ January 28 - 30 hian Damparengpui Bial huapin Damparengpui Kohhranah Zai hrui training neih mek a ni a, hemi neihpui tur hian Pu Lalromawia, Synod Music Instructor leh Upa Thanghuta, Dam Veng te an kal.
- ◆ February 5 (Nilaini) hian Lunglei Ramthar Kohhranah Khuang vuak leh zai hrui training neih a ni dawn a, hemi neihpui tur hian Upa F. Lalremthanga, Music Coordinator leh Pu Lalromawia, Synod Music Instructor te an kal ang.

## □ **MSSU**

- ◆ February 1 (Inrinni) hian Sesawng Kohhranah Sunday School Zirtirtu Training neih a ni dawn a, hemi neihpui tur hian Pu John Lalhruaitluanga, MSSU Asst. Coordinator; Upa K. Vanlalngbaka, Ramhlun East leh Upa C. Lalbiakmawia, Thuampui (MSSU Trainers) te an kal ang. Zan Pathian biak inkhawmah Fanau enkawl (Child Evangelism) chungchang thuchah sawiin hun an hmang bawk ang.
- ◆ February 1 (Inrinni) hian Bethlehem Vengthlang Kohhranah Kohhranah Sunday School Zirtirtu Training neih a ni dawn a, hemi neihpui tur hian T.Upa Lalthahluna Ralte, MSSU Asst. Coordinator leh Upa K. Zoremsanga, Kulikawn (MSSU Trainer) te an kal ang. Zan Pathian biak inkhawmah Upa K. Zoremsangan Fanau enkawl (Child Evangelism) chungchang thuchah a sawi ang.

## □ **Hruaina Eng FM Radio & TV Programme**

- ◆ **JANUARY 31 (FM Zoawi Aizawl @ 7:30 p.m.) :**

**Group** : Alpha Various Artist - Ka Duhsam ber , **Choir** : Bethlehem Pastor Bial Zaipawl - Min La Hruai Ngei Dawn, **Thuchah** : Rev. Dr. C. Chawngmingliana - Lalpa tihna chuan damchhung ni a ti sei, **Choir** : Republic Vengthlang Kohhran Zaipawl - Chhandamtu Hnenah Kunin, **Solo** : Lalrinawma - Hriatchian leh zual che ka duh

Contd...

♦ **JANUARY 31 (FM Lunglei @ 7:30 p.m.) :**

**Group** : Alpha Various Artist - Ka Duhsam ber, Synod News, **Choir** : Bethlehem Pastor Bial Zaipawl - Min La Hruai Ngei Dawn, **Thuchah** : Rev. Dr. C. Chawngmingiana - Lalpa tihna chuan damchung ni a ti sei, **Solo** : Lalrinawma - Hriatchian leh zual che ka duh, **Choir** : Republic Vengthlang Kohhran Zaipawl - Chhandamtu Hnenah Kunin

♦ **FEBRUARY 2 (TV Programme @ 3:00 p.m.) :**

**Zaipawl** : ITI Veng Bial Zaipawl -Famkimna Kraws, **Monthly Round up** : January thla, **Zaipawl** : Champhai Bethel Female Voice - Min hmang ang che, **Playback** : Jharkhand Convention 2013, **Mizo Hnam lam leh thil dang** : PC Girls' School

□ **Susamachar Prasaran Programme**

**FEBRUARY 2 (Pathianni) 5:00 pm. Hindi Gospel Programme (Susamachar Prasaran) :**

**Group/Choir/Solo** : Sihphir Bial - Me Akhen Apni, **Group/Choir/Solo** : The Leprosy Mission Choir - Hame Sab Kuch Vo De Ta, **Sermon** : Rev. Laltharzuala - Sansar se Prem na karo, **Group/Choir/Solo** : Republic Vengthlang Kohhran Masihi Sangati, **Group/Choir/Solo** : Zonuam Kohhran Masihi Sangati

□ **Moderator Programme**

Synod Moderator Rev. K. Lalhmuchhuaka chuan hetiang hian Kohhran tlawhin hun a hmang ang :

- ♦ February 1 (Inrinni) Zan : Kolasib Venglai Kohhran
- ♦ February 2 (Pathianni) Chawhma : Kolasib Tumpui Kohhran
- ♦ February 2 (Pathianni) Chawhnu : Kolasib Project Veng Kohhran
- ♦ February 2 (Pathianni) Zan : Rengtekawn Kohhran

### MOTOR AUCTION

Synod Motor MZ 01 D5967 Bolero DI 7 Seater chu hrath tur a ni a. A chhang duh te chuan Synod Office, Aizawl-ah Office hun chhungin a en theih ang. Chhanna hi February 7, 2014 thleng a hnuacia hming ziak hnenah a thehluh theih ang a, February 10, 2014 chawhnu dar 1:00-ah hawn a ni ang.

A chhangtu chuan pawisa a pe tla nghal tur a ni ang a, a nei lo a nih chuan a chhang huai ber dawt tu hnenah pek a ni ang.

A chhangtu te chhanna hi reserved price aia hniam a nih chuan pek loh theih a ni ang.

**Rev. Lalzuithanga**  
**Senior Executive Secretary**  
**Mizoram Synod**

### MUSIC ADMISSION

Synod Music School hnuaciah March - May, 2014 chhung hian Tonic & Staff Notation (Morning Class) zir kawp duhte tan admission hawn a ni leh ta a. Dil duhte tan Synod Office, Music Department-ah Dilna Form lakchhuah theih a ni. Dilna form-ah hian mahni awmna Kohhran lehkha thil tel tur a ni.

- ⌚ **Dil theih hun chhung** : February 21, 2014 (Zirtawpni) thleng
- ⌚ February 24, 2014-ah seat chang turte hming tar chhuah a ni ang.
- ⌚ February 26, 2014 ral hmain admission tih fel vek tur a ni ang.
- ⌚ March 3, 2014 (Thawhtanni) atangin Class tan a ni ang.
- ⌚ Hriat tur tul dang chu Application Form-ah tarlan a ni.

Sd/-  
**REV. P.C. PACHHUNGA**  
**Executive Secretary**  
**i/c Music**

### PATHIAN THU ZIR DUH TAN

Presbyterian Bible School, Mission Veng-ah Session 31-na atan Certificate in Theology (C.Th) Admission hawn a ni a. Dil duhte tan a hnuacia tarlan hi hriat tur a ni e.

- ⌚ Admission Form : Office hun chhungin Rs. 10/- a lei theih a ni
- ⌚ Form thehluh hun : April 30, 2014 (Nilaini) tlai dar 3:00 thleng
- ⌚ Dil thei chin : Class VII passed, kum 16 chin, Kohhran dan chhunga awm
- ⌚ Interview : May 2, 2014 (Zirtawpni) chawhma dar 10:00
- ⌚ Class tan hun : May 6, 2014 (Thawhlejni)
- ⌚ Zir hun chhung : May - August, 2014
- ⌚ Stipend : Zirlai pakhat hnenah thla tin Rs. 500/- pek a ni ang. Hostel a awm lo.

Hrechiang duh tan Phone No. **8575308007/2317343/2350082**-ah zawh theih a ni.

Sd/-  
**REV. R. LALENGMAWIA**  
**Principal**